

IAP. SIN. I

60 / 64

財
聖
十
第

ce
Xim
Xc
vien

Decem Christiana
(Veritatem).

a p. Alph.
Vagnoni S. J.
Jasp. Sin I. 62.

則聖十篇引

道之正邪曷辨乎試之俗情則得矣
書曰有言逆於汝心必求諸道有言
遜於汝心必求諸非道盡之矣昔之
論道者屏情爲異物而終不得屏乃
反視道爲異物而茫乎莫可據焉果

遠焉果空焉余則以爲卽人情卽人
道如版上刻如鏡中景其反面卽真
面也故求道之法莫切於就俗情而
反之每所欣受之以割每所難受之
以決每所求全受之以缺一日之間
不勝情矣卽不勝道矣吾夫子克復
之訓章章而人弗究也卽究弗用也
精言實義借焉者以爲筌蹄託焉者
以爲標幟而已矣求其必究之究必
用之一還吾三代之隆懿者非泰西
教學不可也泰西之學途寬而律嚴
綱大而目細人有畏其難者矣必無

有疑其異者也卽有疑其異者亦泛
然而疑之因泛然而異之必無有實
訝其異者也無已其戒色一端乎夫
色於今人爲最溺故最難亦最習故
最駭曲證力推要不過取徵於舜降
二文娶九而已夫娶二娶九則殷殷
記之諄諄道之不得忘而亦有中古
中士不棄醜不再娶不御嬖不易糟
糠者獨秘而諱之莫或及焉夫彼何
以不忘此何以力諱則逆與孫之隱
分也彼何以求助於大聖此何以忸
怩於中賢則道與情之良端也卽是

而情愈章道亦愈顯矣正邪之辨不
概可推乎高先生偶筆十篇多發損
益吉凶隨避諸義與世俗眉睫所見
而胷臆所揣者不啻反蒼爲白也余
故以反情之說廣先生之旨使人知
一念一言一行擇所逆而強之擇所
遜而奪之不善之師并不在人矣而
當世有倡言設教常導人以順引人
以易誘人以可推移寬人以可補塞
趨避者宜不辨而知其左且愚矣先
生號則聖遂名其篇

吳淞孫元化書

主觀望致各其端

黻黻者宜不辨而映其式且愚矣夫
以易結人以下卦終實人以下辭塞
當世有言結終常弊人以則使人
惑而事之不善之相并不吾人矣而

則聖十篇目錄

訾言有益第一

譽言乃損第二

苦難爲吉第三

安樂則凶第四

濟惡之謀還反自受第五

榮名隨避者而避隨者第六

君子無所忌敵第七

所忌惟已第八

暮世滋僞第九

夢每近狂第十

則聖十篇目錄終

耶穌會

後學 高一志 述

黎寧石

同會 陽瑪諾 訂

艾儒畧

值會 陽瑪諾 准

閩中 景教堂 梓

則聖十篇

耶穌會士高一志撰

訾言有益 第一

客問余曰。人所共惡且避者。訾言也。人所共愛且求者。譽言也。君子於其間。如何。余答曰。訾言多有益於生人。故君子不忌不辭之也。譽言多有害於生人。故君子不索不留之也。是則君子小人之分。訾言與譽言之間也。客曰。異哉。此意曷謂乎。余曰。夫訾者。弗克奪吾所有。弗克加吾所無。曷忌焉。譬令有

訾吾恒好弄。而吾實非好弄。或訾吾向未至白下。而吾實數至白下。彼自昧吾事耳。我何與何傷乎哉。夫真實者比明燭焉。輝光四射。訾者縱求掩之。終必乘隙灼然暴著矣。因是吾嘗喻訾語于浮雲淫霧。似欲蔽日。必弗克蔽之。旋爲日所晞耳。又比之蜚蛾。時求滅燈。因而自殺。火速斃耳。西聖厄勒義畧曰。訾毀吾者。欲溷吾名泯吾德而弗得。乃惟損污已而已。比之吹塵。竟唯穢昏已目。而未足忤吾目矣。吁。訾言也。雖時或大音騰沸。終于無氣無力。曷足懼乎。蚩蚩飛蟲之靡也。其翱翔羣蠹。效殷雷之聲。而殮肌潛膚。能幾何深傷哉。昔吾西土總王曰。奧悟思多。有臣來告曰。臣某誹謗。請誅之。王曰。惟以小言能侮我者。吾卽未暇忌之也。客曰。旨哉言夫。余曰。夫智者當知誹謗之語。如嬰兒之射蓬矢。如輜毛飛浮空中。非久自落。不足爲人患焉。客曰。哀哉。世衰道微。尊者懷違。卑者橫議。吾儕末學黥淺。乃不可磯也。然訾言未及傷我。業已明矣。又云。尚有益於生人。曷謂乎。余曰。見世人大都靡

行非過。靡德非忒也。能自悟自知其過忒者。天下鮮矣。吾既不知。何從改耶。故忠友之責言。尚不如仇讐之讒言。激爾悟而俾改愆焉。諺云。友之把臂者。不如讐之創刺者。此之謂也。夫爾忠友於爾過也。或不及盡知。盡知矣。或不敢究陳。若爾仇者。於爾過失。視如離婁。察盡秋毫之末矣。又豈能顧惜于爾。不盡發爾私而明攻之與。爾于是或悛悟所未得。自悟之過。或小心翼翼。脩省畏避。不敢矜慢矣。夫人之情。多忌東鄰之目。而不憚自心之知。多防冤敵之誚譏。而不懼故人之責言。是以改過遷善之大益者。率從于訾言得焉。昔有愬已冤於賢者之前曰。某恒詈辱我。我欲復之。如何。賢答曰。以心親之。以言譽之。以恩施之。則可以復之。何也。爾或果有是過而弗悟。乃訾爾者。明陳之。使爾惺悟。則厚報謝之。不亦宜乎。明鏡照知爾顏面不潔。重值市之。醫以良藥。苦爾口。以利刃刺爾腐肉。既不怒。猶厚酌之。獨於爾心之污疾。某忽明攻之。而汝怒之報之。則義耶。古志於道德者。未出身際。未嘗

不從嚴師陳列其所窺愆慝。出身際未嘗離良友之側。望其不隱已過也。爾今無須資費。不煩師友。偶逢訾者。遂將治爾諸內疾。則非爾大幸也乎。嗟乎。世人有寶衣染垢。命婢澣之。有華屋積塵。命役掃之。有良田生茨。命農耘之。有燈燭生炁。命僕剪之。事事盡然。人人盡然。惟爾心生穢惡。爾懿德染疾。爾又不彼求也。而彼自爲爾創懲去之。詎宜爾卽迎而瞋恨之哉。爾嗔之。是猶瞋僕剪燭。農耘田。後掃屋。婢澣衣耳。可不可乎。卽爾絕無是過也。而彼妄訾之。然他過自不寡矣。訾者偶誤稱爾過。歸同弗傷也。且勿辭爾無是過。但思爾必有所當改過。勿謂彼責爾過者爲仇人。但思其施爾以真友之恩。因是而思爾可不以心以言以善事。處處時時酬訾爾者人乎。中古泰西一名聖。被不肖之詆言。甚悅云。斯者定吾信友。不隱不爽吾癰故也。我可不受敬之。每途遇之。卽叩謝終身不忘。如是諸聖賢者。嘗喜遇訾言。甚于世。人喜遇譽言。蓋知訾言有大益於道德。令人有盛功於天主者也。古

有勇士。聞不肖者毀之。喜曰。同類者不相齟也。非我異彼。彼奚斲耶。則不肖者訾毀善人。特贅誦之乎。蓋君子之德彌高。小人彌媚嫉。訾毀焉。其媚嫉。訾毀。奚啻無害。顧反爲利。喻之種麥者。冬時叢生田中。人物蹂躪。似大損之。至乃使其根下深。春來發育。滋盛耳。故凡務實學者。不畏聞訾毀之浮言。惟懼吾德未全。幸因遇訾。以爲良藥。藥去疾。訾益德矣。昔厄勒濟亞國。有名畫師某。作一圖。慮恐未工。卽倚門設臺。張之。隱身屏後。來往觀者。共彈射之。已聞其言。斟酌改定焉。客曰。善哉。是其旨于人情耶。面稱爲工。背毀爲拙。衰世之勢也夫。余曰。信然。彼繪士。以背毀得全其巧。乃明道之君子。不當以訾言補其行。全其德也乎。敝土近世有一賢王。以善政綱紀大國。猶恐闕遺。不自知。則微服夜潛行民間。司察衆言。因所譏議。以改圖身過。以更易政令也。則庶人之議。不有益治道耶。倘爾尚欲止訾者之惡言。法莫善乎。以譽以惠。報酬之。夫以訾迎訾。如以膏滅火。以譽以惠。迎報訾者。是以水撲

隱將熾火也。斐利百西南之古王。智勇無敵。時或告曰。臣某每誹謗王。罪重矣。盍推問之。王絕不言。次日賜賚。誹謗者甚厚。朝臣異之。彼謗者從是日讚頌王恩德也。或以復于王。王曰。以此知下民譽譽實在君矣。吾前推問罪之。安得彼易辭讚頌乎。歷山斐利百之子。忽夜營中行。遇數卒衆口詆之。王泰然曰。爾曹勿大聲。不乃令歷山聞乎。卒知是王。大戰懼。久之良已。則亦轉讚譽之矣。如是。故君深欲求得毀訾之言。以利已德利已名耳。何有哉。忌之